

KJKP "VODOVOD I KANALIZACIJA" d.o.o. SARAJEVO
V.D. DIREKTOR
Izvod broj : KZ 64/18

Sarajevo, 01. 8. .2018. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 64/18 od 27.07.2018. godine, u postupku javne nabavke br. KZ 64/18, donosi se:

O D L U K A
o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj KZ 64/18 od 27.07.2018. godine i ugovor za javnu nabavku roba: „**Nadogradnja VMware-a sa verzije 5,2 na verziju 6,0**“ – tender broj KZ 64/18 dodjeljuje se ponuđaču: „**mojit**“ d.o.o. Sarajevo, ponuda broj: 0219/18 od 05.06.2018.godine, za ponuđenu cijenu u iznosu: **10.969,38 KM** bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču „**mojit**“ d.o.o. Sarajevo u roku do 10 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja a dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : KZ 64/18 od 16.05.2018.godine. Javna nabavka je provedena putem konkurentskog zahtjeva. Procijenjena vrijednost javne nabavke bez PDV-a iznosi: 10.000,00 KM.

Obavještenje o nabavci broj: 247-7-1-111-3-189/18 objavljeno je na Portalu JN dana: 18.05.2018. godine

Komisija za javnu nabavku je imenovana Rješenjem br. 18-12-01/17 od 18.12.2017.godine, Rješenjem br. 23-02-01/18 od 23.02.2018.godine i dodatni članovi komisije imenovani su dopunskim Rješenjem br. KZ 64/18-1 od 16.05.2018.godine.

Komisija za javnu nabavku je dana 30.07.2018. godine, dostavila Preporuku o izboru najpovoljnijeg ponuđača broj KZ 64/18 u postupku javne nabavke roba: „Nadogradnja VMware-a sa verzije 5,2 na verziju 6,0“.

Konstatovano je da je na osnovu Obavještenja o nabavci br. broj 247-7-1-111-3-189/18 od 18.05.2018. godine, proveden postupak javne nabavke putem konkurentskog zahtjeva za dostavu ponuda, te je izvršeno javno otvaranje ponuda dana: 05.06.2018.godine u 14:15 sati, a što je konstatovano zapisnikom sa otvaranja ponuda br. KZ 64/18.

Za predmetnu javnu nabavku dostavljene su dvije (2) ponude ponuđača :

1. Ponuđač: „QSS“ d.o.o. Sarajevo,
2. Ponuđač: „mojit“ d.o.o. Sarajevo.

Navedeni ponuđači su preuzeli tendersku dokumentaciju sa portala javnih nabavki i samim tim ostvarili pravo učešća u postupku.

Dostavljanje zapisnika sa otvaranja ponuda izvršeno je prema ponuđačima u zakonskom roku.

Nakon izvršenog otvaranja ponuda Komisija je dana: 05.06.2018.godine, pristupila pregledu i ocjeni pristiglih ponuda u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je konstatovala da dostavljene ponude ponuđača „QSS“ d.o.o. Sarajevo i „mojit“ d.o.o. Sarajevo ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

RB	Zahtjevana kvalifikaciona dokumentacija	„QSS“ d.o.o. Sarajevo	„mojit“ d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama – Aneks IV; Prilog 3.	DA	DA
2.	Tačka: 14.3 TD pod a): <u>Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Općina ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.</u>	DA	DA

Komisija konstatuje da ponuđači „QSS“ d.o.o. Sarajevo i „mojit“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtjevano dokumentacije/aneksi-prilozi, konstatovano je sljedeće:

Rbr .	Ostala zahtjevana dokumentacija/aneksi-prilozi	„QSS“ d.o.o. Sarajevo	„mojit“ d.o.o. Sarajevo
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 4.	DA	DA
2.	Tačka: 16 TD: Obrazac za ponudu – Aneks II; Prilog 1.	DA	DA
2.1	Tačka: 16 TD: Popis dokumenata uz ponudu koji čini sadržaj ponude – Aneks II; Prilog 1	DA	DA
3.	Tačka: 20 TD: Obrazac za cijenu ponude – Aneks III; Prilog 2.	DA	DA
4.	Tačka: 31 i 36 TD: Nacrt ugovora o javnoj nabavci – Prilog 6.	DA	DA
5.	Tačka: 43 TD: Povjerljive informacije – Prilog 5.	DA	DA

Komisija konstatuje da su ponuđači „QSS“ d.o.o. Sarajevo i „mojit“ d.o.o. Sarajevo dostavili ostalu zahtjevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da ponude ponuđača „QSS“ d.o.o. Sarajevo i „mojit“ d.o.o. Sarajevo ispunjavaju postavljene zahtjeve u pogledu opisa predmeta nabavke i tehničke specifikacije.

Ponude navedenih ponuđača imaju popis dokumenata uz ponudu tj. sadržaj, potpisane su od strane podnosioca ponude i ovjerene pečatom ponuđača, te imaju broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje je dostavio u skladu sa čl. 45. do 51. ovog zakona ili da dostavi originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtijevalo.

Konstatovano je da ponuđač „QSS“ d.o.o. Sarajevo nije dostavio Potvrdu o primjeni preferencijalnog tretmana domaćeg, kao i da je ponuđač „mojit“ d.o.o. Sarajevo dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Od strane Komisije za javne nabavke konstatovano je da su prihvatljive ponude sljedećih ponuđača :

RB.	Ponuđač	Cijena početne ponude bez PDV-a
1.	„mojit“ d.o.o. Sarajevo	10.969,38 KM
2.	„QSS“ d.o.o. Sarajevo	11.500,00 KM

E-aukcija je u sistemu e-nabavke zakazana na dana 18.06.2018. godine., u 11:00 sati. Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 11:00 do 11:15 sati.

Izvještaj o toku i završetku e-aukcije sadrži i konačnu rang listu ponuđača kako slijedi:

RB.	Ponuđač	Cijena bez PDV-a
1.	„mojit“ d.o.o. Sarajevo	10.969,38 KM
2.	„QSS“ d.o.o. Sarajevo	11.500,00 KM

Nakon završene e-aukcije, Komisija je konstatovala da su vrijednosti ponuda ponuđača „QSS“ d.o.o. Sarajevo i „mojit“ d.o.o. Sarajevo znatno veće od procijenjene vrijednosti predmetne nabavke. Procijenjena vrijednost za predmetnu javnu nabavku iznosi 10.000,00 KM dok vrijednosti ponuda ponuđača iznose :

1. Ponuđač „QSS“ d.o.o. Sarajevo – vrijednost ponude 11.500,00 KM bez PDV-a
2. Ponuđač „mojit“ d.o.o. Sarajevo – vrijednost ponude 10.969,38 KM bez PDV-a.

Utvrđeno je da vrijednost ponude ponuđača „QSS“ d.o.o. Sarajevo premašuje procijenjenu vrijednost za 1.500,00 KM (15%), a vrijednost ponude ponuđača „mojit“ d.o.o. Sarajevo premašuje procijenjenu vrijednost za 969,38 KM (9,69 %).

Obzirom da su cijene svih prihvatljivih ponuda znatno veće od procijenjene vrijednosti za predmetnu nabavku, komisija je o istom dana 19.06.2018. godine obavijestila Upravu preduzeća i zatražila saglasnost za nastavak postupka obezbjeđenjem dodatnih sredstava za predmetnu nabavku.

Odlukom Uprave preduzeća broj 14-08/18 od 05.07.2018. godine dobivena je saglasnost za nastavak postupka odabira najpovoljnijeg ponuđača, te je nastavljeno sa postupkom odabira najpovoljnijeg ponuđača.

Za najpovoljniju ponudu ocjenjena je ponuda ponuđača „mojit“ d.o.o. Sarajevo.

Komisija jednoglasno daje prijedlog Ugovornom organu da za nabavku roba: „Nadogradnja VMware-a sa verzije 5,2 na verziju 6,0“ - tender broj KZ 64/18 donese Odluku o dodjeli ugovora ponuđaču: „mojit“ d.o.o. Sarajevo, broj ponude: 0219/18 od 05.06.2018.godine, kao prvoplasiranom na rang listi, čija vrijednost ponude iznosi : 10.969,38 KM bez PDV-a.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti :

- Ponuđačima
- a/a

Muzur
Azra



v.d. Direktor

Azra Muzur
Azra Muzur, dipl.inž.građ.